



Tir Yimyim

www.tiryimyim.in

Regd. No. RNI. NAGAAO/ 2004 / 13113. Postal-NE/RN-717.

e-mail : tiryimyim@gmail.com

TAPAK 3

Yangia anidakangma :



Tir Yimyim



tir_yimyim



tir yimyim

TAPAK 7

Oct 29 nü Delhi nung 'artificial' tzünglu tendangtsü

Canada den shishilempaba ken o jembiba tembangogo



VOL. XXIII ISSUE NO. 18 (ADOK 18)

DIMAPUR

KÜPTOKNÜ (SATURDAY)

MONGPUTENI (OCTOBER) 25, 2025

₹ 5.00

NSDMA-i "Safer Nagaland" app sayaogo

Dimapur, October 24, 2025

(TYO): Nagaland State Disaster Management Authority (NSDMA) aser New & Renewable Energy (NRE) Advisor Z. Nyusietho Nyuthe-i October 24, 2025 nü "Safer Nagaland" mobile application sayatsüogo.

NSDMA Conference Hall, Nagaland Civil Secretariat, Kohima nung sentong ka nung Advisor Nyuthe-i iba app sayatsü aser iba ajanga sensotem nem real-time weather updates, early warning alerts, aser safety information agütsütsü.

Iba mapa ajanga Nagaland-i nübortem kümzüka ayutsü aser junga lidaktsütsü atema digital innovation amshiba sayur. Mapang shitak nung osang metetba aser public awareness ya alima lendongtem nungi jenbua alir ta NSDMA Advisor, Z Nyusietho Nyuthe-i ashi.

"Sensotemi tang nungi Safer Nagaland app ajanga mobile phones nung real-time weather updates, location-based forecasts, aser early warning alerts angutsü. Iba app ajanga meimchir takümtem melalutsü, kiojentem kümzüksü aser renemshia atatsü atema teyari

agütsütsü" ta paisa ashi.

Iba app tasen ya taküm tenzüka NSDMA Weather Portal nung shilem ka lir aser iba ajanga state ajungalen weather monitoring, forecasting, aser awareness atema integrated system akümer ta Nyuthe-isa ashi.

NSDMA-i Nagaland kinük ajungalen osang yoktsü meranger aser onoki automated weather stations network tashi itdaktsütsü aser public awareness mapa tuluba inyaktsü meranger ta paisa metetdaktsü.

NSDMA team-i iba alizüng tongtetba atema tenüngsang agütsür aser iba app ajanga Nagaland ajungalen teyari angutsü imlar ta Advisor Nyuthe-isa ashi.

"Iba mobile application ya disaster preparedness aser early warning platform ka ama amshitsü. Smartphone ya nisung ajaki amshir anungji iba app download asütsü ayongzüker" ta Joint Chief Executive Officer, Dr. Johnny Ruangmei-ia ashi.

NSDMA-i tarutsü nung "Safer Nagaland" kübok additional features aser applications bendenloktsü sentongtem lir ta pai ashi.

F&CS Dept.-i FPS indang metetdaktsür

Dimapur, October 24, 2025

(TYO): India sorkar indang policy lateta aliba ama Department of Food & Civil Supplies, Nagaland-i NFSA Act, 2013 kübok Applications ajak SMART PDS-i melenogo.

Iba nung Integrated Aadhaar enabled Supply Chain Management (IAeSCM) mapa inyaker. Iba module kübok Indent generation nungi FCI aser FCI ajanga Release Order nungi FPS ajanga ePoS transaction tashi mapatem inyaker.

Iba Supply Chain Management system nung Department, FCI, PDC incharges, FPS operators aser Ration Card holders ajaki tongtipang shilem agir aser mapa ajak real-time mode nung inyaker.

Fair Price Shop (FPSs) operators (Both Village Council

run FPS /Urban FPS) ajak dang manual mode of transaction anenogo anungji ePoS devices ajanga Online mode mesüra Partial Offline ajanga dang inyaksangshiba nenshir ta Department of Food & Civil Supplies-i metetdaktsüogo.

Iba ya January 30 aser 31, 2025 anogotem Guwahati nung Joint Secretary, Ministry of Consumer Affairs, DoFPD, GoI menden ser NE conference alidang tetuyuba agütsüba lir ta department-isa metetdaktsüogo.

Iba inyakyim kübok non-transacted quantity ya Closing Balance (CB) nung ayutsü aser taruba itai Carried Forward (CF) asütsü. Closing Balance indang maparen ya November, 2025 nungi tenzüker anungji iba atema Closing Balance ji September, 2025 asütsü ta parnokisa ashi.

JCC-i tools down strike sota ayur

Dimapur, Oct 24, 2025 (TYO):

Joint Coordination Committee (JCC)-i Nagaland Chief Secretary den senden ka amenba sülen Tools Down Strike magii atatsü lemetetogo.

Chief Secretary-i JCC pur den olemteptsü jaoka senden ka amendang sorkari Indian Administrative Service (IAS) nung Non-State Civil Service (Non-SCS) ketdangsürtem aniokba onük bentettsü ta nangzüka liasü ta JCC Media Cell-i metetdaktsü.

Anungji October 27, 2025 nungi

Tools Down Strike tenzüksü aliba sota atar ajisüaka onoki akhangba ama meinyak tashi Pen Down Strike maneni alitsü ta parnokisa ashi.

JCC-isa All Nagaland Government Drivers' Association, Nagaland Civil Secretariat Drivers' Association, All Nagaland Directorate & District Government Drivers' Union, aser Civil Secretariat Grade-IV Staff Employees Association dang Tools Down Strike magii atatsü mepishia metetdaktsüogo.

NIDA-i Nagaland Health System tajungba akümtsü bangjemtep

Dimapur, October 24, 2025

(TYO): October 24, 2025 nü Capital Convention Centre, Kohima nung Nagaland in-Service Doctor's Association (NIDA) mungdang aser lokti senden agiogo.

Takümatema omenji "Building a Resilient Health System" lir aser Secretary, H&FW Smti. S. Tainiu, NCS aser Principal Director DHFW Dr. Mereninla Senlem nati alakteta jaokertem ama shilem agia liasü.

NIDA-i Annual General Body Meeting (AGBM) ya service rules, career progression aser working conditions dena in-service doctors taginübatem kümzüka ayutsü sabang ka ama ayonga amunger.

Smti. Tainiu, NCS-i "Building a Resilient Health System" onük jembidang nübortem dak ranglokba healthcare framework ka nüngdakba ashi.

Doctor tem ya healthcare nung nüngdakba tongshitem ta agizüker ase doctor temi takümtem kümzüker aser public anema lidaktsür. Doctor tem dang guardians of health ta ajar ta Tainiu-i ashi.

"Medical ethics nung tangatetba pezü lir aser itemji Autonomy, Beneficence, Non-maleficence aser Justice lir. Item tangatetba ya doctors aser loktiliba tsüngda temulung lemtepba tamendakdak lir" ta laisa

ashi.

"Nagaland nung healthcare system ajanga tayongzüka jenti ajurur aser finance o human resources tsütsü metokmeperir. Talisa COVID-19, dengue, aser Japanese Encephalitis waratem ajanga timtem agütsür" ta Principal Director, Dr. Mereninla-ia ashi.

Item tetsükdaktsütem liaka doctor temi kanga dang meranga, akhümketa aser aria bilema nübortem yaria arur, ta lai ashi. NIDA President Dr. Thomas Keppen-i o mejembidang asür Dr. Imtiwabang Aier, Joint Director nem tetushi agütsütsü ayongzüka agi. Dr. Imtiwabang ya June 28, 2025 nü alima nungi pila.

"NIDA nung züngsem ajaki iba telok tejakleni aotsü atema temulung alemba aser külemi yaritepba atema pelar" ta President Dr. Keppen-i ashi.

Taküm "Building Resilient Health Systems" omen ya mapang shitak dang masü saka nüngdakba lir. Nübertemi aginüba ama health infrastructure, workforce, aser policies melenshitsu nüngdaker ta pai ashi.

Nagaland nung primary healthcare atema in-service doctors ya tongtired ama lir. Ajisüaka health services nung nisungtem kanga ajema anioker aser mapa tazüng aika adoker,

anungji department-i iba ya rongdak nüngdak ta angateta mapa inyaktsü ayongzüker, ta Dr. Keppen-isa ashi.

Dr. Kika Longkumer, Jt. Director DHFW-i "Building a Resilient Health System" onük jembidang Nagaland nung healthcare system kanga tongtipang ta ashi.

Nagaland nung healthcare tsütsü tayongzükbatem, senotsü metokmeperi liaka critical healthcare indicators tsütsü temelenshi aika liogo ta pai ashi.

Nagaland nung cancer, diabetes, hypertension, aser childhood obesity amala non-communicable diseases kanga bulua akümer aser tesem kar nungbo malnutrition ajangshir. Anungji healthcare system tajungba akümtsü atema asenok ajak longjemer shisatsü agütsütepa inyaktsüla, ta Dr. Kika-isa ashi.

Dr. Visietsolie Vupru-i Secretarial report agütsüdang 76 buba Republic Day, 2025 nung Dr. Vezokholu Theyo, Rtd. Director aser Dr. Hentok Phom, Jt. Director nati Governor's Award anguba atema tenüngsang agütsü.

Tanü anüngdang "Business Session" alidang Dr. Puse Leigise, Dr. Bernard Amer, Dr. Thomas Keppen, Dr. K Akaho Sema aser Dr. Visietsolie Vupru nung moderators sür agia liasü.

Jubilee Memorial College, Mkg nung 'national seminar' ayongzüker

Mokokchung, October 24, 2025

(TYO): State Agricultural Research Station (SARS), Yisemyong, Department of Agriculture, Government of Nagaland den külemi yaritepa Department of Economics, Jubilee Memorial College, Mokokchung-i National level shisatokden sentong ka "Economics of Agroforestry: Challenges and Opportunities for Sustainable and Equitable Agricultural Development" onük dak rangloker JMC nung ayongzüka kaogo.

Iba shisatokden tenzüka sentong nung Vice Chancellor, Nagaland University, Lumami, Prof. Jagadish K Patnaik-i jembidang, sarkaria Agroforestry tsütsü temulung agüja arutar saka

ano asenokia senso ka ama iba dak sentakba nung kechi shilem agir mesüra ibaji Nagaland atema koda tongtibang, ibaji angatettsü nüngdaker, ta metetdaktsü. Iba onük kanga junga angazüker asen lokti asoshi langka mesüra langka nungbosa shilem agitsü asoshi pai ayongzüker.

Asenok north-east nung alirtem ya asenoki inyaktetba kecha maka saka mapa inyaktsü atema India sorkar dak dang

imlar, aji oda, Tsüngremi asenok nem ali, arem-min peria moaja kar, anungji, itemji tamshi shia mapa meshir/bushir rogo masü saka mapa inyaktsü maoangka yanglur rogo asütsü nükla yur inyaktsü pai ajungshi.

Akhi asen tsüraburtemi akialu maparen kechisa benshia aru, itemji wazüka maneni benshiba den tensa den apet tajungba asüngtetshir inyaktsüla. Asenoki benshia aruba asen sobaliba aser benshia arubatemji odang toktsüra asen maitsü dena samatoktsü. Aki alu mapa balala inyakdangji tanü asenoki ajuruba alima tatsük akümbajia meteta lirumedema inyaktsü paisa ayongzüker.

Nagaland ya Agroforestry tsütsü ngujem kanga lir, iba dak sentakba nung sarkar nungia teyari (scheme) balala agütsütär, aser iba onük tsütsü nüburtem rongnung temetetba shisatsü (awareness) nüngdakba ajiteter. Iba den ano Nagaland ya tzü mopung tesütep asünung, itemji asadanga aluyimba maparen tapu balala inyak nung kanga ajungtsü, ta shisatokden oki latsür Prof. Dwipendra Thakuria, Dean, College of PG Studies in

Agricultural Sciences (Central Agricultural University - Imphal) Umiam, Ribhoi, Meghalaya-i metetdaktsü. Tsüngremi agütsüba kechisarenatemji sen kümdaktsütsü merandang alima tzü mopung raksatsüsa merumeru mesüi kümdanga inyaktsü paisa tekümdangtsü olen ka lemsatöp.

Iba sentong nung "economics of agroforestry" aser "science of environmental agroforestry" onük nung technical session telok asem tashi lemsar agia liasü.

Sentong nung Jubilee Memorial College Mokokchung, Principal, Dr. Imtiwati Jamir, Joint Director, SARS, Yisemyong, I. Lipokonon Jamir, Asst. Prof. Dr. Chubaienla Imchen (JMC), Asst. Prof. Dr. Watitemjen (FAC), Asst. Prof. Dr. Limakumla (JMC), Asst. Prof. Dr. Kilangnaro Imchen (JMC), Asst. Prof. Alemjungla M Jamir (JMC), Prof. Pranab Dutta (Chairman - Crop Protection CAU-CPGSAS,CAU, Imphal, Umiam, Meghalaya), Asst. Prof. Lipokyanger Jamir (JMC), Asst. Prof. Dr. L Merensangla (JMC) aser Asst. Prof. Mulato Keny parnoki shilem balala agia liasü.

USTK-i Govt mapa bushir lanurtem asoshi sarasademtsü



Ungma Senso Telongjem Kohima-i government mapa bushir lanurtem asoshi sarasademtsüba sentong nung agiba noksa ka yangi angur.

Kohima, Oct.24 (TYO) : Ungma Senso Telongjem Kohima-i "Asüng Lenir Den Sensaksem" ta ser sentong tajung ka Ungma Kiti, Kohima nung October 18, 2025 anogo nung ayongzüka lanurtem rongnung government mapa bushirtem asoshi sarasademtsüogo.

Iba ya government mapa tapu balala nung "Competitive Exam" agütsütsü pur lanurtem atema sarasadem aser tajungshiba ashijunglem sentong ka liasü. Iba sentong nung lanur 80 shi aden aser parnok dang tatidang balala nung takok angurtem nisung tii parnoki

ajangshiba aser inyaktetba mapatem nungi shisalemsatepa len teyuba mapang agia liasü.

Ib kasa sentong nung Wt. P Amenla Longkumer, Home Missionary, Ungma Senso Fellowship Kohima, Wb. C Rongsen Pongener, Deacon KABA aser Wb. Alichuba Secretary, Ungma Senso Fellowship Kohima nungertemi sarasadem mapang ketdangsüa liasü.

Iba sentong nungsa, Nagaland Legislative Assembly nung Speaker, Wb.Sharingain Longkumeri shilem agia jembidang, government mapa ajanga nübortem tenzüknar

lanurtem dang temulungtetba tulu nung tezümedangi maneni meranga inyaksü ajungshia liasü. Paisa pei lima renloka aotsüba mapa nung nisung ajaki pei khuret ta bilema shilem agitsü ayongzüknar. Iba sentong nung pai yimbok sütsü.

Iba sentong nung tajungshi aser tepela o USTK Tir, Wb. Imkongnungsang, Soyim Shisaluyimer Telongjem Kohima Telen Tir, Sb. Mejungsungkum Longkumer aser USTK Tatong Tir Wb. Imkongsowa nungertemi lemsatep. Iba Ashijunglem sentong nung onir Wb Lipoksungkum Imsong liasü.

Mokokchung nunga World Polio Day among



Mokokchung nunga alima ajunga den külemi World Polio Day, Rotary Club Mokokchung-i nüngtem nung Car Rally ka ayongzüka akadang tangokba noksa.

M o k o k c h u n g , Mongputeni/October 24 (TYO) : Alima ajunga den külemi Mokokchung nunga tanü World Polio Day, Rotary Club Mokokchung-i ayongzüka mongogo.

Mokokchung nung tanü iba sentong akadang Rotary Club Mokokchung-i Car Rally ka "END POLIO NOW" ta asüna nung ajemdaker ayongzüka aka aser garitem town longa Polio

samadaktsütsü asoshi osang sangokja jaja. Rotary Club of Mokokchung teloki nüburtem dang alima nung Polio samadaktsütsü akokba tashi ajaki teka amteper inyaksülata ayongzüka.

DC Kohima ajanga metetdaksür

Dimapur, Mongputeni/Oct. 24 (TYO): Deputy Commissioner, Kohima, B. Henok Buchem ajanga totuyuba ka agütsüba nung Executive Magistrates kar nem pei jurisdictions nung 'Order on Delayed Registration of Births and Deaths' agütsütsü melaogo.

Department of Economics & Statistics, Government of Nagaland ajanga metetdaksüba ama tsünglanglen agüja aliba ketdangsürtem Executive Magistrates ama shimer:

Additional Deputy Commissioner, Chiephobozou - Chiephobozou Sub-division atema; Sub-Divisional Officer (C) Jakhama - Jakhama Sub-division atema; Sub-Divisional Officer (C) Sechü-Zubza - Sechü-Zubza Sub-division

atema; Sub-Divisional Officer (C) HQ, Kohima - Kohima HQ atema; Sub-Divisional Officer (C) Sadar - Kohima Sadar atema; Extra Assistant Commissioner, Kezocha - Kezocha Sub-division atema; Extra Assistant Commissioner (Dev.), Kohima - Kohima HQ atema; aser Extra Assistant Commissioner, Botsa - Botsa Sub-division.

Executive Magistrates yagi Registration of Births and Deaths Act, 1969 (as amended in 2023) aser Nagaland Registration of Births and Deaths (Amendment Rules), 2024 kübok guidelines aser tzüzüng-ozüng aliba ama verification process renemba sülen 'prescribed format' nung totuyuba kisüng agütsütsü, ta sangdong ajanga ashi.

NSCtCB pur 56 buba lokti senden Dimapur nung amen

Dimapur, Mongputeni/Oct. 24 (TYO): Nagaland State Cooperative Bank Ltd. (NSCtCB) indang 56 buba Annual General Meeting (AGM) October 24, 2025 nü NSCtCB Conference Hall, Head Office, Dimapur nung agia liasü.

Iba senden nung H. Kashito Yephthomi, Vice-Chairman, NSCtCB Ltd menden liasü aser Rev. Vilodi Sakhire, Pastor, Town Baptist Church, Dimapur ajanga sarasademba sülen Jonah, General Manager (Admin) ajanga pela agizükba o jembia liasü.

Iba sülen Annual Report of

Directors and Auditors for 2024-25 benoka agizükba liasü. Iba sülen 2024-25 atema revised budget aser 2025-26 aser 2026-27 atema estimated budget agizükba liasü.

Commissioner & Secretary, Department of Cooperation and IPR, Nagaland, Orenthung Lotha-i iba sentong nung jembidang Nagaland State Cooperative Bank Ltd. (NSCtCB) meilongi süaka tejakleni aoba aser state indang cooperative banking sector nung shilem tajung agiba atema tenüngsang agüja liasü.

(Maneni tapak 8 nung...)

Wokha nung Banana Festival 2025 tembangogo

Dimapur, Mongputeni/Oct. 24 (TYO): Mezüngbuba Banana Festival 2025 sentong Public Ground, Wokha nung October 24, 2025 nü takok ngua tembangogo.

Iba anogo Banana Stem Cutting Competition densema sentong balala agia liasü, kong aluyimer aser lanurtemi tejangraba tulu nung shilem agi.

Iba anogo Open Sales Day aser Farmers-Buyers Meet ayongzüka nüburtemi somomo aser somomo agi yangluba products balala yoka liasü. Iba mapang Yuthi Delight ya dangar dang nungi alakteta liasü, kechiaser parnoki stall kanga

junga renemtetba kisüng masü saka parnoki banana stem juice, banana chips, banana salad aser jenjang aketba osettsüset yanglua agütsü.

Iba benjongmung mapang District Administration Wokha aser national research institution asem - ICAR-National Research Centre for Banana, Tamil Nadu, Institute of Bio resource and Sustainable Development (IBSD), Imphal aser CSIR-North East Institute of Science and Technology, Jorhat - tsüngta Memorandum of Understanding (MoU) zülutepa liasü.

(Maneni tapak 8 nung...)

22 buba ANCSU mundang St. Xavier College, Jalukie nung alitsü

Dimapur, Mongputeni/Oct. 24 (TYO): All Nagaland College Students Union (ANCSU) pur küm ana nung khi ayongzüknar 22 buba Biennial General Conference ya October 27-29, 2025 anogotem St. Xavier College, Jalukie, Peren nung ayongzüksü.

Iba mungdang ya "Leadership & Social Responsibility" omen nung ajemdaker seminar mesük ka ayongzüksü, kong shisa lemsatepba sessions, Narcotic

and Psychotropic Pharmaceutical products Regulations in Nagaland, substance abuse, Bengal Eastern Frontier Regulation 1873 (ILP), HIV & AIDS indang seminar aser Japan nung employment opportunities indang shisa lemsatepba alitsü.

Iba mungdang nung state tesem ajunga nungi affiliated colleges, associate college 40 aser tejaoker densema delegates 1000 anenzüksü renema lir.

(Maneni tapak 8 nung...)

Come one come all

State Handloom Expo (SHE)

Hathkargha Mela
UNDER ATMANIRBHAR BHARAT UTSAV

16TH to 29TH OCTOBER 2025
10:00 AM to 5:00 PM

Venue : Town Hall, Mokokchung

ORGANISED BY:
NAGALAND HANDLOOM & HANDICRAFTS DEVELOPMENT CORPORATION LTD.
(A Govt. of Nagaland Undertaking)
DIMAPUR - NAGALAND

SPONSORED BY:
Office of the DEVELOPMENT COMMISSIONER (HANDLOOMS)
MINISTRY OF TEXTILES, GOVT. OF INDIA, NEW DELHI

My Handloom My Pride

Sale of Authentic Handwoven and Handcrafted Treasures.



October 24, 2025 nü Samastipur district nung Bihar assembly election atema nüboyim sentong ka nung Ato kilonser Narendra Modi, Bihar Chief Minister Nitish Kumar, Union Minister ana- Jitan Ram Manjhi aser Chirag Paswan na den tangartem adenba noksa nung angur.

Oct 29 nü Delhi nung 'artificial' tzünglu tendangtsü: Rekha Gupta

New Delhi, Mongputeni/October 24 (Agencies): Delhi Chief Minister, Rekha Gupta-i, Delhi nung mopung menenba azüoktsü atema October 29 nü 'artificial' tzünglu tendangtsü asoshi Brihostobarnü Burari area nung mongintemi tendangogo, ta metetdaksü.

Delhi nung tang mezüng 'cloud seeding' tendangtsü; Delhi nung tang mezüng October 29 nü artificial tzünglu tendangtsü, ta lai metetdaksü. "Delhi nung tang mezüng

'cloud seeding' ajanga artificial tzünglu tendangtsü. Mongintemi Burari area nung ibaji takok ngua tendangogo. Weather department-i October 28, 29 aser 30 anogotem nung mepet alitsü ta asadangtetogo," ta lai X ajanga metetdaksü.

"Iba mapatong ya technical tsütsülen nungi tang mezüng puti otsü tasen ka yangluba dang masü saka Delhi nung mopung menenba nokdangtsü atema scientific inyakyim ka tenzüker asütsü," ta lai

metetdaksü.

"Sorkar nükjidongji, iba mapatong ajanga linük yimtiba nung mopung temerük lidaktsütsü atema lir. Iba maparen takok anguba atema cabinet züngsem Shri@mssirsaji aser shilem agir ketdangser ajak dang pelar," ta laisa lemsatep.

Delhi nung talisa asükwa mopngpu nung mopung kanga menener, aser ibaji azüoktsü atema ketdangsertemi telemtetba balala agia inyakdar.

J&KRS election nung NC-i menden 3 aser BJP-i menden ka angu

Srinagar, Mongputeni/October 24 (Agencies): Hokolbarnü Jammu & Kashmir nung Rajya Sabha menden pezü atema by election agia osang sangdongogo; National Conference (NC)-i menden asem nung takok angu aser BJP-i menden ka nung takok nguogo.

Jammu & Kashmir nung Arla 370 agienba sülen tang mezüng J&K Union Territory nung Rajya Sabha by election agi.

Hokolbarnep Srinagar nung aliba Legislative Assembly complex nung

polling booth asem nung MLA temi vote agütsü aser nikongdang vote zünga osang sangdong.

National Conference nungi Choudhary Muhammad Ramzan, Sajjad Kichloo aser Gurwinder Singh Oberoi nungeri takok angu aser tanüngba menden kaji BJP nungi Sat Sharma-i angu.

Congress, PDP, CPI(M) aser independent aikati pusemba ajanga NC-i menden asem tashi nung takok nguogo aser NDA teloktep teyari ajanga BJP-i menden ka angu.

Andhra nung bus aser bike tsüktepba lendong nung nisung 20 asü

New Delhi, October 24 (Agencies): Andhra Pradesh state kübok Kurnool nung bus ka aser bike ka na tsüktepba sülen bus nungji mi adoka bus arongba lendong nung nisung 20 asü; iba tatalokba bushisüngdangtsü atema state sorkari committee ka tentetogo.

State Home Minister V Anitha-i, bus nungji tain 39 den tanur pezü aser mejangjaba nisung ana liasü; iba tatalokba bushisüngdangtsü atema transport, roads aser revenue departments nungi züngsemtem shimoka luden ka tentetogo, ta metetdaksü.

Hyderabad nungi

Bengaluru-i apusoba bus ji Kurnool district nung bike ka den tsüktepba sülen bus ji arongba lendong nung nisung 20 rongset; parnok aika maitsü-a mejangjatsüsa kanga mejungi rongset, ta police-i metetdaksü.

Iba lendong nung yirur nisung 9 Kurnool Government General Hospital (GGH) nung aser nisung asem nija hospital ka nung treatment agidar.

Bus anisangji police-i puogo aser kabo jenadokogo.

Iba tataloba bushisüngdangba sülen Chief Minister N Chandrababu Naidu nem report tejangja agütsütsü, ta minister-isa metetdaksü.

Mulungnen O



INAMAR JAMIR
03.09.1986 - 30.09.2025

Na alima nung onok den mapang tatsüka alidang, sensaker, mekokmeiner aser timtemer dang yarinüba tebu tajung ka liasü. Nü mapa tajung onoki kodanga mamatsü. Tsüngremia tajungtiba dang aginür, anungji na Kotak nung tebu Tsüngrem den alitsü imlar aser onoki na Kotak nung ajurutsü sarasadema atar.

Onok asüku taku marok ajemdang, yimtsür - yimer, medemer, kidang-kiyonger, arogo purtem shirnokisa nübo, rongsen aser sarasadem agi onok yariogo, onoki nenok dang kanga pelaba mulungnen o ka yangi lemsateper. Nenok temeim mapa tajung melen onoki meyipba agütsütsu kecha maka saka Tulusang Tsüngremi nenok maneni moajangma ta onoki sarasademtsür.

Onoki alakteta item telok dang kanga pelar -

1. DABA
2. Faith Harvest Church Dimapur & Kohima
3. All the Officers & Staff of R.D. & REPA Department, Nagaland.
4. All doctors & staff of Eden Medical Centre, Dimapur.
5. Changtongya Village Council.
6. All Village councils / VDBs under Changtongya Block.
7. Aoyimkum Village Council.
8. Holy Cross School 2003 Batch.
9. Don Bosco Hr. Sec. School 2005 Batch.
10. JNU Delhi Friends.
11. JDA 2014 batch.
12. Friends from Tuensang
13. Nagaland Running Club
14. Nagaland Arsenal Official.
15. Changtongya Senso Telongjem Dimapur.

- Temeim kinungtsü, Jabasotem aser Kinungertem.



NATIONAL EDUCATION SOCIETY FOR TRIBAL STUDENTS (NESTS)

An autonomous organization under Ministry of Tribal Affairs, Govt. of India
Gate No. 5, Jeevan Tara Building, Parliament Street, New Delhi-110001

MAPA NUNG SHIMBA SANGDONG- TATEMBANGBUBA ANOGO ATSÜLANGER

Ministry of Tribal Affairs, Govt. of India kübok **Eklavya Model Residential Schools Staff Selection Examination (ESSE)-2025** NESTS-i Eklavya Model Residential Schools (linük tesem ajaklen) nung tesayurtem aser non-teaching mapa balala nung shimoktsü atema metetdaksüogo aser iba atemaji tang online ajanga applications tagütsüdak lir.

Mapa tazüng: Principal (225), PGTs (1460), TGTs (3962), Female Staff Nurse (550), Hostel Warden (Male/Female) (635), Accountant (61), JSA (228), Lab Attendant (146). Osang tejangjaji NESTS website/ online application portal nung angutsü. Application agütsütsü atema tatembangbuba anogoji **28.10.2025 (aonung 23:55 ako)** tashi atsülangogo. Ajisüaka ESSE 2025 sangdong nung shia aliba ama temsüa aliba telatetbatem atema tatembangbuba anogojibo **23.10.2025** sa asütsü. Temsüa alir tejangrar candidate temi NESTS indang website www.nests.tribal.gov.in mesüra link <https://t.co/CG8LqFvGbK> ajanga apply asütsü akok.

Issued by NESTS



Regional Office: ICICI Bank Ltd, Agartala Jain House North Gate Palace Compound, Agartala, Tripura- 799001.

PUBLIC NOTICE-TENDER CUM E-AUCTION FOR SALE OF SECURED ASSET

[See proviso to rule 8(6)]

Ali kimong aser kiojen ayoktsü Sangdonger

Ali kimong aser kiojen E-Auction ajanga Securitisation and Reconstruction of Financial Assets aser Enforcement of Security Interest Act, 2002 kübok ano iba den külemi Rule 8 (6) of the Security Interest (Enforcement) Rules, 2002 nung shia aliba ama ayoktsü sangdonger. Iba sangdong ya nübertem ajak asoshi aser ano talisa sen apua alir aser Guarantor-tem nem teküpboklen shia aliba ali kimong aser kiojentem mortgaged / charged to the Secured Creditor, Authorised Officer of ICICI Bank Limited-i agiadoker alibatem ' Kong koma lir ', ' kechi koma lir ' aser ' kongsa lir yangji' yangi tsünglanglen tatsü agi shia aliba amaji ayoktsü sangdonger.

Sr. No.	Name of Borrower(s)/ Co-Borrowers/ Guarantors/ Loan Account No.	Details of the Secured asset(s) with known encumbrances, if any	Amount Outstanding	Reserve Price Earnest Money Deposit	Date and Time of Property Inspection	Date & Time of E-Auction
(A)	(B)	(C)	(D)	(E)	(F)	(G)
1.	Mr. Anich Mia (Borrower) Aidhan Bibi (Co-Borrower) TBAAA00006503309, LBAAA00006521861	Sabek Dag No, 1397 (Part), Hal Dag No, 1467/ 1803, Khatian No, 517, Revenue Circle Kamalpur, Mouza Mohanpur, Mahakuma Kamalpur, Tahasil Kamalpur, District Dhalai, Tripura. Admeasuring an area of 08 Satak (as per the current valuation, land area stands 3456 Sq. Ft. and construction area stands 1680 Sq. Ft.)	Rs. 32,19,849/- as August 30, 2025.	Rs. 28,50,000/- Rs. 2,85,000/-	November 25, 2025 From 01:30 P.M. to 04:00 P.M.s	December 04, 2025 From 10:30 A.M. onwards

Iba online auction ya website <https://disposalhub.com>) ajanga onok auction agency M/s. NexXen Solutions Private Limited-i inyaksü. Iba atema Mortgagors / Noticees nem tesüsa ano khen tagütsütsü aliba sen sendong den tetemlok dena aotsü asoshi mapang December 03, 2025 nikongdang 05:00 P.M tashi agütsür, aji mesüra secured asset(s) ji lemteta aliba ama ayoktsü.

Iba rongsen alinertemi Earnest Money Deposit (EMD) Demand Draft (DD) (Refer Column E) at ICICI Bank Ltd, Agartala Jain House North Gate Palace Compound, Agartala, Tripura-799001 Branch nung December 03, 2025 nikongdang 05:00P.M. tashi nungbo agüjangma. Iba sülen parnok agütsünüba jenjangji tekalen agüja aliba website ajanga December 03, 2025 nikongdang 05:00 P.M. tashi nungbo EMD agütsüba aser Bank-i DD agizükba kuli kaket scan ser agütsütsüla. Talinertemi website ajanga pei agütsünüba jenjang meyoktetra, tender kaketttem nung sign ser ICICI Bank Ltd, Agartala Jain House North Gate Palace Compound, Agartala, Tripura-799001 Branch nem December 03, 2025 nikongdang 05:00 P.M. tashi nungbo agütsütsüla. Earnest Money Deposit DD/PO ya Nationalised/ Scheduled Bank nungi Agartala nung agizüktsütsüa 'ICICI Bank Limited' tenüng nung asütsüla.

Ano inspection, E-Auction dak sentakba Terms and Conditions mesüra tenders agütsütsüba maparen nung temetetnüba lira, yangi tongtepratepangma - ICICI Bank Employee Phone No. 9163343439. Imlibilema iba ali kimong aser kiojen ayokba maparen nung yariteptsü asoshi item Marketing Agencies dang ya shia lir ta metetdaksür - 1. Value Trust Capital Services Private Limited, 2. Girnarsoft Pvt. Ltd. Authorised Officer-i kecha kuli magütsü shilem agitsü pur mashi ka mesüra ajak tamagitsü kümtsütsüa akok. Iba maparen nung tejangja Terms and Conditions atema, imlibilema, yangi reprangdangangma www.icicibank.com/n4p4s

Date : October 24, 2025
Place: Kohima

Authorized Officer,
ICICI Bank Limited



TIR YIMYIM YIMOBILEM (EDITORIAL)

DIMAPUR

KÜPTOKNÜ

MONGPUTENI 25, 2025

India sepaitemi mezüngmeshir

1 950s mapang nungi India sepaitemi asenok Naga nungner yabo meimchir-a masü amai mezüngmeshir saka asenoki tan masür aser parnok asenok mezüngmeshibaji asenoki amadoker aser parnok aliba agiang asenok alir ama parnok bilemtsüsa asenok alir. Iba jagi mapang mapang shia parnok jenjang ka ajungkettsü mechi asenok tai maketba takümtem samatsür. Aji oda, tamalen atalokba otsütemji toktsür, yashi yakanü Oting nungner lushi nung yimtaklirtem ayangi aoba nungi Deobar amungtsü yimtaki shilangba mapang kecha olaa magütsü ser injang yoka khasetba tasü mangtem miima bener ajentsü lia, yimtaklirtemi rakzüka bener aruba tatalokba otsüji India sepaitemi Naga nungertem ya shiruru danga teküpbokba jenjang nung mezüngmeshia amshiba mapa ka asütsü. Iba ama tatalokba nungjia Naga nungnerbo obendangdaka ochi temeten mangu ser temulung zürep tia nung alidang, ano, tanga Konyak nungner lushi nungsa Khammoi yimtak India nungner sepaitemi nisung mali ser bomb dang bener yokba tayimtsü tila 'drone' amshia amakdang tetsür chanu ka den asangur chanu ka asüba osangji India sepaitem asoshia takok osangbo masütsü aser Naga nungertem asoshibo kecha kuli maka ser kodanga memenoktetsüba takoksa tuluka ajuruogo. Ashiko, Naga nungner yimten nüchiso bushir telok kar Myanmar nungner lushi nung jenoka yur India nungner sepaitem amokmerenba anema drone-ji yok alitsüa akok, ajisüaka telong nung alir tenüng atemer tai maketba yimtaklirtem amakbajibo alima kintem tsüngdang taitsüba tulu angutsüsa India nungner sepaitemi inyaktetogo. Atangji, parnok mapa dak alang UN Human Rights Commission tsüngdang taitsüba aser temerenshi angutsüsa Naga nungner yimten aser lokti tentetemi inyaksüla. Asenoki aiben tangari asenok mezüngmeshiba mapatem ya alima rongsen mesüra yimten nung jenjang mashika yong ayoker ama amadoker. Aji oda, tai maketba asen nisung khasetli, iba melena senotsü teyari ka agütsü nung pelashishia agizükli aser asen nisung khasetertem nemji asenok nüngdak tapu balala inyakdaksüli ta asenokbo nisung mulungjanga maden ama asen mapa agi sayur. Iba jagi, balaka, tangari asenok mezüngmeshir. Ibaji asenoki azü ak dak zükli, ano aji amadoker asen dangisa chiyongtsü meshia meyipa aruli ta asüba den kecha tepila mali. Atangji, sepaitemji tashi manger azüoktsü aser tsükchir den khateptsü asoshi shim, anungji parnok anema inyaker tsükchirtem den khatepba atema kecha mali, aji par mapa asütsü. Ajisüaka, Oting nung parnok khasetertem to parnok tsükchir masü saka ozüng kübok tashi angaa alir yimtaklir senso tajungtem liasü. Kasaji, tang drone amshia amakdang Khammoi yimtak tetsür chanu ka aser asangur chanu ka taküm samatsüba India nungner tsükchir masü saka linük ozüng nung tashi angaa tain akümstsü purtem liasü. Aji oda, India nungertemi drone amshia tsükchir tesep amakba mapa nung yimtak tila tanur aliba ki ka dang amshitsüsa amakbaji, India sepaitemi asoshia maksü tulu asütsü. Atangji, parnok asenok Naga nungertem yamai mezüngmeshiaka, asenoki parnok anema tulukabo meinyaktetsü. Ajisüaka, asenok jashibabo asenoki sayutetsüla aser parnok asenokji parnok tsükchir amai bilemra, asenok asoshia parnokji asen tsükchir asütsüla. Aji oda, kodaser asenokbo tsükchir nem asenok asoshi terenlok mapa inyakdaksütsü ? Kodaser asenokbo asen tsükchir nem temang tendanga anepaludaksütsü ? Aser kodaser asenok tsükchirtem asen benjongi jaoka parnok den pelateptsü ? Joko, parnok parnokji asen tsükchir masüa ta mapa agi mesayutet tashi, asenoki India nungner sepaitem nungi teyari magi aremtsüla aser parnok anema asenokji anempongtsüla. Aji oda, Oting aser Khammoi nung ama, India nungner sepaitemi tai maketba asen nisung anema mashimashi inyakba mapang, tatsük-talemdang, parliamnent nung asen nisungtemia jembitsüla aser assembly-a rungda senden ayongzüka jembitsüla, kechiyong linük ka nung nübortem anema inyakba mezüngmeshi mapatem rongnung India sepaitemi Naga nungner anema inyakba mapa yasa temaba aser tuluba asütsü.

OLEMSABANG

Shiti - The Letter

Marnungtet Ozukum

(Iba Yimdangjem otsü ya Tir Yimyim aser Bookipedia nati ayongba toktep nung mezüng takok jenjang anguba liasü.)

(Yashi adok nungi...)

Atula küna tali teputeba küma ano kati katang meshitetba temulung nung meimtepa akum. Kenü kuna class senshir Mokochung town atena süidang doka ka nung shishidang Nagaland Post newspaper ka züktaka alibaji lai ngua azüng, nibu english azüng mashi nung la azüngba tapak nungji noksa ji repranga ata. Iba tapak nung noksa kanung Naga sorkar lenirkar aser India sorkar arokodongba den sensemba noksa ka liasu, ano iba tapak nungsa telok ka tejak ajak nembanger prangpong amer sotaba noksa ka lir, iba tapak nungsa nisung ka coat suit semer azü yimshia asüba noksa ka angu. La iba newspaperji züngzüker la tekolak peretshia aser tejak nung tesangwa ka meli aküm,

"Newspaper nung nisung ka süa alibaji ner kinunger masü südi?" tera asayamenü a ni ladang asungdang;

"ozü kinunger asü masü Naga lima tia tasur ati" lai nendaka langzü

Lai kechi shiner ni mangatet saka anagteter amai,

"Naga nungner tia masütsü asoshi India sorkar nungi nüchiso angutsüla" kü sasa ni ashiba mamangteti ka langzü;

"Naga nungner India nungi nüchiso angutsüji tongtibang masü saka Naga nungner rongsen, nukmerem aser anemsü shisatsü nungi tama nüchiso angutsüla aser aji tongtibangtiba"

Lai langzüba ji kanga süngmanga kechi shiner angatetsü meranga alidang;

"A gun that bleeds its own people is no weapon of freedom, but a tool of greed dressed in patriotism and when truth is silenced the struggle dies before the nation builds" lai temesünger oshi jagi ojang ajak lutet luteta adoka ashi';

"tanubo english agi mejembi anü ludaktsütsü ta bilema ata nung tang jembioko na" lai ashiba zükzüka yutsür la den maneni asayamenü olasu agi ni ashi,

"Tarutsü teimlaji na aser asenok asütsü merangtsüla " lai kanga nendaka jembi "Jungshi, koba ochi aji arensitsü Kanga nüngdakba mapa lir" lai maneni ashi.

"Kechiba ochi ji nüngdaker?" Lai iba jibuh meshitetsü südi ta bilema asungdang;

"Nai nisung ka tepsetra , nai par kinungtsü aser chirnur nungi kinungbu aser tebu auyar akümer, yamaji nai nisung katang yazü jembira nai iba nisungba dak nungi ochi auyar, anungji ochishia melira naji lenmang aisü-ka nungi auyar akümer , anungji Ochishia alitsüji tongtibang" la o agi ni kanga puadaksüa lai iba telangzüba agutsü.

Atula küna kati ka kadak tali sakloktepa meimtepa aküm, anungji kenü tasüitshir la küdong asütsü asoshi asungdanga, küna tedongteji ka ama kazü tenzü. Küna kazüba mapang teti lai par tebu nisung ajungba aser ochisia aliba ji kanga nema-tanga jembi. Tebu-tena temeimtep aser tesendaktep aliba indang jembidang pa ken kenbosa nükztü alua kü tsüngdang jeba sayu. Lai nia tebu ama ochishiba nung nokdakteter ka küma alitsü asoshi küden ajungshia ashi. Par tebu ya nisung kangasa tajung aser temeim aketba tsürabur tajung ka asütsü südi ta bilema la asoshi kanga ni kanga pela bilem saka ni la tebu tenüng mesüra kechi inyaker tejanga agi masungdang. Kenü anogobu pa den ajurua pa nungi shisa agia amentsü aser lar jala agitsü asungdangi aotsü kü yimdangi arua bilem.

Anepdang ka la classi maru, la marubaji kechiba maru ni memetet lai küdang taoba anogo nung classi marutsü indang mejembi, la ajungbena shiranger südi ta bilem. Saka taruba anogo jia maru , ni temulung ali-i malur, la tejak mangu aser mejembi joko anogo ana tashi aoer, anungji ni la medemtsur Amenla tang Atula indang osang karbu ali mali asungtangtep saka lar medemtsüri la kechiba marur memetet. Joko septa anabuba class-i la marur , kü temulung nung tepela mali la menungrar aser la den jembitsu yonyar saka la clasi maruba osang shinga memetet. Anungji, ni la aliba tesem bushiyonga aotsu mulungteter ni apuso, la aliba kiyong meteta lir saka lar ki ni mejanga nung , par kiyonger ajak tang la tenüng asungdanga par ki kong ali aji bushia senzu. Tesusa tezulen tera arem anasaka par ki aliba metetet. Par aliba tesem kodang atong, kiji government quarter liasu. Ni api nungi nisung ali mali reprangtanga ken ata nung iba kidang nisung aliba majitet nung ni ano taliba anasa oer, window nungi reprangtang nung iba kidang kodanga shinga melitang ama tang kiji azung azunger liasu. Ni kanga sungmanga, ya lar ki masütsü südi ta bilema temulung ali alutsü merang saka tetuyuba ajak agi iba kiji lar ki , joko ni tekolak agi mapa meinyaker ama lar kima ji mener kenpika pokpa amen, ku temulung nung tasungdanga jenti lir,

(Maneni asüng adok nung...)

Iba Olemsabang nung lemsaba ken-o aser shisatsü ya iba ocet züluri bilemba ken-o ama tazünger angateta agitsü mepishir

Niger nung America nunger missionary pilot Rideout puer ao



Kevin Rideout

October 24, 2025: October 21, 2025 nü Niger linük yimtiba, Niamey nung prangpong amer kari America nunger missionary pilot, Kevin Rideout puer ogo.

Kevin Rideout ya evangelical missions agency- Serving in Mission (SIM International) nung inyaker, ta Open Doors teloki metetdaksü.

Rideout ya Khristan ministry balala nung inyaker. Pa Serving in Mission International (SIM) nung inyakba den külemi missionary tem aser reshikangshi ajangshiba Khristantem yariba Concilium Inc. ministry nunga inyaker.

Open Doors International nungi Illia Djadi-i, "Prangpong amer nisung aseme pa (Rideout) puer ogo aser iba osang dak alaka tanga osang kecha mali," ta metetdaksü.

Djadi-isa, "Sahel mesüra West African region nung Islamic kiralongrartemi kanga timtem agütsüba linüktem rongnung Niger linük densema lir. Iba tesem (Central Sahel) ya sub-Saharan Africa nung jihad mesüra kiralongraba tiyongtsü tesem ka kümogo ta aikati

asadangtetogo, kechiyong iba tesem nung dang al-Qaeda aser Islamic State den affiliate süa aliba teloktem lir," ta metetdaksü.

"Missionary Rideout ji western Niger leni anir ao asütsüa akok ta ketdangsertemi bilemer. Iba tesem nungji al-Qaeda den affiliate süa aliba telok kanga yakyaka lir," ta Djadi-i ashi.

American senso ka puer aoba dak sendakba nung U.S. State Department nungi otongdar kati, "America nunger ajak kümzüka ayutsü atema Trump Administration-i inyaker, ajioda US sensoji kümzüka anir arutsü atema US sorkari lenmang balala ajanga merangsü," ta ashi.

Djadi-i, "Sarasademtsüji Khristantem teinyaktsü lir. Sayatenya ajanga pa chiochtsü atema sarasademjang. Iba dak alia Niger atema sarasademjang," ta metetdaksü.

Paisa, "Pa tangsa chiochtsü atema onoki sarasademtsür. Onoki par kibong atema sarasademtsür aser Niger nung

nüburtem atema sarasademtsür," ta ashi.

Taküm küm tenzüker tang tashi nung Niger nung bendanger 8 tashi puer ogo.

Djadi-isa, "Niger nung Arogo atema-a sarasademjang. Niger nung Khristan nütsüng ishika dang lir. Nütsüng shilem 1 shi dang Khristantem lir. Anüolen tsütsübo Khristan noklang aika jenshiogo. Khristantem dang Islam yimsü dangi meyipang ta tuyua amokmerener, ibayongji parnoki pei ki dang toktsür ajentsü melungteter," ta metetdaksü.

Concilium ministry nung Tir, Scott Brawner-ia, "Adianutem, Kevin Rideout atema maneni sarasademjang," ta mepishia metetdaksü.

Scott Brawner-isa, "Pai Niger nung Khrista tenzüker aser tangbo pa taküm lendong nung lir. Pa kümzüksü atema sarasademjang, pa tamang tashi itshtsü aser tesünep nung alitsü atema sarasademjang. Par kibong, külem tenzükertem aser pa kümzüksü atema inyakterem atema sarasademjang," ta metetdaksü.

Charlie Kirk asüba sülen America nunger aikati Laishiba azünger

October 24, 2025: Tawa US nung activist Charlie Kirk khasetba sülen tesüiba hopta ishika tsüngda US nung Laishiba ayokba shilem kanga tali tuogo.

Yaküm September ita nung Laishiba ayokba den medemdangra taküm September ita nung Laishiba shilem 36 agi teimba ayok, ta Circana BookScan-i metetdaksü.

2025 küm January ita nungi tenzüka ita shia US nung Laishiba million 1.5 ayok, ajisüaka taküm September ita nungbo Laishiba million 2.4 ayok.

Charlie Kirk ya September 10 nü Utah Valley University campus nung lokti ka den o tejembidak mapang nung lanur kati khaseta liasü.

HarperCollins Christian Publishing-ia, Kirk asüba sülen US nung talisa arrshi küm 18 nungi 34 tsüngdapurtemi

Laishiba azüngtsü kanga janngar, ta metetdaksü.

Circana BookScan nung analyst, Brenna Connor-i, "September ita nung lendong aika atalokogo, alima tesem balala nung tensa mejungi liasü aser rongsenkettzüng jenjang mejungi liasü. Timtem mapang nung nisung aikati tesünep bushia tamang jenjang dangi meyiper," ta metetdaksü.

Kirk kinüngtsü, Erika-ia, tang America nung nisung aikati yimsü dangi meyipdar, ta shiogo.

September 21 nü Kirk asüpila sentong nung jembidang Erika-i, pa khasetba ajanga linük tesem ajaklen tanela asentenshi milak jangrudar, ta metetdakja liasü.

Iba mapang nungji lai, "Tesüiba hopta ka tsüngda nisung aikati tang mezüng Laishiba lapokogo. Tang mezüng nisung aikati sarasademogo. Tang mezüng nisung aika

tekülem sentong nung adentsü atema Tenla kidangi aoba onoki nguogo," ta metetdakja liasü.

America nunger aikati Laishiba nung shia alibatam mamanger. American Bible Society indang State of the Bible report ajanga ashiba agi, America nunger shilem 36-i dang Laishiba nung aliba ajak ya shidak ta amanger aser shilem 39-ibo iba nungji ai-aura makar.

American Bible Society nung Chief Innovation Officer, John Farquhar Plake-i, küm 50 tejaklenbo America nungertemi Laishiba nung amanga liasü, ajisüaka tangbo aikati mamanger, ta ashi.

2012 küm America nunger shilem 58-i parnok taküm nung yimsü ya kanga tongtibang, ta ashi, ajisüaka 2024 küm nungbo pei taküm nung yimsü ya kanga tongtibang ta ashir shilem 45 dang kümogo (Pew Research Center report).

ANOGO ABEN TSÜNGREM DEN

Ejip nung metsü aser tesangwa T.ken 105:24-45

Mosa aser Aaron mapang na Ejip nung ali asübo Farao chuba tekong merangba ajanga Ejip limai wara yokba nung na densemer lila. Yihuda nungeri Ejip toktsüdang naia kechi shir lila? Ken züluri ya zülü, "parnok aenshia aodang Ejip pelaa liasü, kechiyong parnok madak tetsübu agi tonga liasü" (t.38). Kodang Tsüngremer nisung alima nungi piladir, kodang asen Kibuba tanaben arudir, alimai pelatsü.

Ejipji alima noksa lir. Tsüngremer (Israel) asoshi, ibai alar lima aser anisüngzüük maka mapa inyakdak lir. Ibai tapung lima. Saka Kanan limaji lenten, tenem aliba lima, tsünglu aser süngjang teperi aliba lima, mamatzü aser ninang mochitzü ayimdak lima. Kodang na kümzüka lidir, tanelaren Tsüngremi na Ejip nungi anitettsü. Pai na Kanan nung yutsütsü aser ashitsü, "item temoatsütem ajak agiang."

Kechiba Israeli Ejip toktsüdang Ejip pelaa liasü? Tejangja kuli kaji- Ejip nunger tsübua liasü. Israeli chichiba Tsüngrem külema liasü, aser parnok Tsüngremi wara ajanga Pa ain sayu. Israel nungerji Ejip asoshi minprongtsü ka liasü- zübu nung metsü ama, tajung jungkai adoktsüba tesangwa ama. Ejip nung kuli asütsü Tsüngremi Israel amshi,saka Ejipi magizük.

Khristantemji metsü aser tesangwa lir. Ken ken asenoki nisungtem maginer: ken asen libaliro ajanga taiji tutettsür. Asenoki item anogotemji ajangtsü. Ibaji tanüa asütsü akok. Yisu Khrista tanü arutsü akok aser Pa pur sentsüwangshi kidangi anir aotsü akok. Joko metsü mali. Tesangwa mali. Saka kechi? Obendangba. Asen Kibuba aru ataba mapang asenok teinyaktsü mapa lir ta asenoki bilemtetdi.

Arogo teinyaktsü mapa kaji alima mitsü aser alima tesangwa ama alitsübaji lir. Ken ken nai ibaji memeteti tangar yirutsür. Ken ken Khrista indang tangar dang ashitsü mapang tajung angur. Arogo ne mapa nung metsü aser tesangwa ama alitsü nai bilemtsü akok asü? Kar asoshi tanü ne taküm balaka alitsü Tsüngrem dang asüngdangang.

Indonesia nung Tenla ki ka tanaben lapokogo

October 24, 2025: agiba mapang nung tangar nem Kalimantan, Indonesia nung timtem magütsüdaksütsü Muslim nungertemi tashishiba atema tekülem sentong agi shia ken o ka agütsüba sülen Pastor council züngsem kaka yoktsü "Matias"-i aniba Arogo Tenla ki ita ishika shibanga liasü, metetdaksü. ajisüaka tawa tanaben Pastor Matias-i, tekülem lapokogo. sentong agi shia council

Iba Arogo ya küm 16 züngsem kaka yokba agi tangbo Khristantem tekülem

Iba Tenla ki anasa süklep sentong sadoksadoka agiteter, 150 shi dang pilar Muslim ta metetdaksü.

nunger tekülem ki tasen ka Muslim nunger lenirtemisa yangluba sülen nungi Muslim Tenla kidang sound system nunger lenirtemi Tenla ki amshibaji ajanga anameket anema ken o agüja liasü. alirtem nem timtem agütsür, ta

Pastor Matias'er ki anasa ashishia liasü. Iba dak sendakba nung pastor Matias- i, Tenla ki telung nung amshiba

Tenla ki tanaben lapokba sound system ji ajanga temeket sülen tangbo Amongnü shia nung alirtem nem timtem tekülem sentong agiteta arudar, magütsütsü atema Tenla ki ta pastor-i metetdaksü. telung yanglushitsü, aser iba

Dayak Tribal Council-i atemaji Arogoi jembishinüa Khristantem tekülem sentong inyakdar, ta metetdaksü.

AO OSHI ANGAZÜKDAK: TANÜ ANGAZÜKTSÜBA OJANG



Tir Yimyim

Tola

- (n) temang nembangba süoshi (shirt)
* Benjong nungbo nisung ajaki tola tasen asemer.

Tolajang

- (n) tola süoshi katepba, shibangba (button)
* Tola nung tolajang ajak shitak alitsüla.

OLONG PAITEP # 7309

	1			2		3		4	
	5								6
			7						
8		9					10		
		11							
12							13		14
				15					
				17					
	18								

TIPIEN

3. Miima agi
5. Tejangko
7. Aou teküp
8. Mako / Melemzük
10. Saklok / Aket
11. Ali nungzüka aluba
12. Talentsü
13. Ak ayudak
15. Ajunga
17. Meyong
18. O jembitsü tashi

LANGTSÜNGLEN

- (4) 1. Asoshi
- (6) 2. Tashidak lung
- (4) 3. Bangsemo endok
- (4) 4. Nütsüng züngdangba
- (4) 6. Tsüngpret
- (7) 7. Asüng sür külen
- (4) 8. Hai-haura aka
- (7) 9. Telongtet
- (4) 10. T _ _ _ _ tiba
- (6) 14. Tali / Onsara
- (4) 15. Bilemdanger

OLONG PAITEP # 7308 TELANGZÜBA

TIPIEN :

1. Telok, 4. Aluru, 6. Ozüng, 8. Emk,
9. Kin, 10. Teti, 12. Süir, 13. Jen,
14. Ola, 16. Talak, 17. Mazük.

LANGTSÜNGLEN :

1. Tenükjang, 2. Luden, 3. Kiochtsü,
5. Lenti, 7. Tajangzük, 11. Teronem,
12. Sempa, 13. Jahaz.

NAI-A YA METETTER MA



'Tree Lobster' ta ser taküm sangnu tuluka lir aser ibaji tulu kümerbo meimchir tetka den sako tulu akümer ta ashir. Iba taküm sangnü yabo Australia lima Lord Howe ta ajaba asetkong nung dang angur. Iba shiruru dang ya 'Dryococelus australis' mesüra 'Lord Howe Island stick insect' taka ajar.

Myanmar arrtsü anasa ULFA-I supply chain ka makdok



Itanagar, October 24, 2025

(Agencies): Arunachal Pradesh nung ketdangsürtemi nisung asem ket nung medical supplies aser tanga khu aika puogo.

ULFA-I züngsem Major General Arunodoi Dohutia-i Tinsukia, Assam nung alir ka dang mozütem aser tanga supplies meshi ta osang

angazükba sülen Myanmar den arrtsü Changlang district kübok Nampong nung mita aodang nisung asem den osettem apu.

Additional SP Hq lenisüba kübok Arunachal Pradesh Police aser Indian Army yaritepa iba mapa inyaka liasü.

Police-i apurtemji Jitu Moran (50), Julie Gogoi (38) aser la kinungbo Dipak Gogoi (52)

nunger ta jangjaogo.

Iba dak alia police-isa Myanmar senso pezüi arrtsü adena ULFA camps-i khu belenba atema apu.

Ketdangsürtemi ashiba agi medical supplies aser tanga nüngdakba osettem apuba ajanga ULFA-I teloki cross-border networks inyakba kuli agütsür.

भारत सरकार

उत्तर-पूर्वी क्षेत्र विकास मंत्रालय

उत्तर-पूर्वी परिषद् सचिवालय

नांथिम हिल्स, शिलांग

GOVERNMENT OF INDIA

MINISTRY OF DEVELOPMENT OF NER

NORTH EASTERN COUNCIL SECRETARIAT

NONGRIM HILLS, SHILLONG - 7930003

Website : <https://necouncil.gov.in>

No. ADMN-13012/1/2017-ADMN

North Eastern Council Secretariat ajanga deputation basis nung Stenographer Grade-II mapa 17 (tertenet) atema temjena aliba ketdangsürtem bushir, parnok itasenji Rs. 5000-150-8000/- (5th CPC)/PB-2 Rs. 9300-34800/- plus Grade Pay of Rs. 4600/- (6th CPC) corresponding to pay scale of Rs. 44900 - 142400/o (Level 7) of the 7th CPC Pay Matrix asütsü.

Mapatem indang osang tejangja tsünglanglen agütsür:

1	Mapa nung aniokba yimya aser Eligibility Criteria	2nd method Central Government mesüra State Government mesüra Union Territories mesüra Statutory Organisations kübok inyakba ketdangsürtem shirnok analogous post inyaker mesüra küm ti regular service in the scale of Rs. 4000-100-6000 (51h CPC)/PB-1 Rs. 5,200-20,200/- + GP Rs. 2400/- (6th CPC) corresponding to pay scale of Rs. 25500 - 81100/- (Level 4) of the 7th CPC Pay Matrix mesüra equivalent inyakertem.
2	Mapa atema deputation mapang aser maximum age limit.	Tanga ex-cadre post ka nung period of deputation dena iba mapa nung aniokba sülen period of deputation mesüra Central Government nung Organization/ Department kar nung süaka küm asem tema masütsüla. Deputation atema maximum age limit ji receipt of applications tembangdang arishi küm 56 asütsüla.
3	Mapa nüngdakba	(a) Senior officers atema PA ama inyaktsü. (b) English nung shorthand dictation agütsü aser mapa indang osangtem computer (English) nung type asütsü. (c) Pa lemezükba Officer/Sector/Section indang Visitors' Diary, files aser dak movement registers anepalutsü. (d) Pa lemezükba ketdangsür (ketdangsürtem) indang tour details bendena ayutsü. (e) Mapang shia pa lemezüktsüba Secretary/Deputy Secretary/ Director (Admn.) ajanga lemezüktsüba mapatem inyaktsü.

DoPT's O.M. No. 6/8/2009-Estt. (Pay-II) dated 17.06.2010 and No. 2/11/2017-Estt. (Pay-II) dtd. 24.11.2017 nung lateta aliba ama deputation indang pay aser tanga terms and conditions inyaktsü. Cadre authorities/Head of Departments-i **deputation basis** nung yoktetsüba ketdangsürtem tenüngtem iba sangdong agütsüba sülen **anogo 60 tsüngda Director (Admn.)** dangi yoktsü mepishir. Curriculum Vitae (Annexure-I) aser osangtem atema candidate temi NEC website <https://necouncil.gov.in> nungi download asütsü metetdaksür.

LIST OF ENCLOSURES TO BE ACCOMPANIED WITH THE APPLICATION/ CERTIFICATES TO BE GIVEN BY THE OFFICE/DEPARTMENT WHILE FORWARDING THE APPLICATION.

- Application in prescribed format-Annexure I duly completed, signed by the applicant and countersigned by the Cadre/Appointing authority.
- Attested copies of ACRs/APARs for the last five (5) years duly attested on each page with seal by an officer not below the rank of Under Secretary to the Govt. of India or equivalent.
- Integrity Certificate.
- Vigilance Clearance.
- Cadre Clearance Certificate.
- Major or minor penalty certificate for the last 10 years of service.
- A certificate to the effect that the particulars furnished by the applicant have been verified and found correct as per service records.

Note: The candidates applying for the post would not be allowed to withdraw their candidature subsequently.



PROJECTS & DEVELOPMENT INDIA LIMITED
(A Govt. of India Undertaking)
PDIL Bhawan, A-14, Sector-1, Noida 201301
CIN NO. U74140UP1978GOI028629
Website: www.pdilin.com

PDIL, Mini Ratna Category-I PSU ya Fertilizers & Allied Chemical, Refinery, Oil & Gas, Power, Petrochemical, Infrastructure etc., indang field nung Design Engineering & Consultancy Organization tanishir ka lir, aser Noida aser Vadodara aser India nung Project Sites ajunga (Namrup, Assam) densema PDIL offices nung nungdakba ama tsünglanglen agüja aliba posts atema application meshir:

Advt.no.	Post / Discipline	Nature of employment
HR/71/25/02(Contract)	Contract yimya nung küm asem tashi Mechanical, Civil, Electrical, Inspection, Instrumentation, Safety, Process, Materials Management, Management Services, Project Management disciplines nung Contract yimya nung nübu shimtsü.	Contract basis (Up to Three years)

Tekalen agüja aliba advertisements atema Qualification, Age, Experience, Remuneration, Online nung application agütsütsü & Number of Posts & Discipline etc. asoshi onok indang Website nung Careers section nung angutsü: www.pdilin.com.
Online application agütsütsü atema last date: 20th November 2025

CBC : 02105/12/0003/2526

भारत सरकार
उत्तर-पूर्वी क्षेत्र विकास मंत्रालय
उत्तर-पूर्वी परिषद् सचिवालय
नाग्रिम हिल्स, शिलांग

GOVERNMENT OF INDIA
MINISTRY OF DEVELOPMENT OF NER
NORTH EASTERN COUNCIL SECRETARIAT
NONGRIM HILLS, SHILLONG - 7930003
Website : <https://necouncil.gov.in>

No. ADMN-13012/2/2017-ADMN

North Eastern Council Secretariat ajanga deputation yimya nung **Level 4 (Rs. 25500 - 81100/-) of 7th CPC Pay Matrix** nung Senior Secretariat Assistant posts 07 (tenet) atema temsüa aliba officer nübu bushir. Post indang tejangja tsünglanglen yamai agütsür:

1	Name of the post	Senior Secretariat Assistant
2	No. of post (s)	07 (Seven)
3	Scale of Pay	Level 4 (Rs. 25500 - 81100/-) of 7th CPC Pay Matrix.
4	Method of Recruitments and Eligibility Criteria	Deputation (2nd method): Central Government mesüra State Government mesüra Union Territory Administration nung Officers tem: (i) Parent cadre mesüra department nung regular yimya nung kasa post bena alir; mesüra (ii) Level 2 (Rs. 19900 - 63200/-) pay matrix mesüra sako parent cadre mesüra department nung Junior Secretariat Assistant mapa nung regular basis nung küm tir inyaka alir. Feeder category nung departmental officer shirnok direct line of promotion nung lir, parnokbo deputation nung inyaksü metemsü asütsü. Kasaji deputation nung alirtem promotion ajanga shimoktsü metemsü asütsü.
5	Period of deputation and maximum agi limit for the post	Iba appointment jakdang kasa mesüra tanga Central Government organization mesüra department kar nung ex-cadre post ka nung deputation agiba mapang densema, deputies asüba mapangji ordinarily küm asem dak tali masütsü. Applications receipt shibangba anogo nungi deptment ajanga appointment asütsü atema arishi küm 56 tashi dang asütsüla
6	Period of deputation and maximum agi limit for the post	(a) Sectoral Head/Section Officer kübok inyaksü aser pa/la nem nungloktsüba mapatem inyaksü. (b) File nung correspondence balala anepalutsü aser reprangtsü. (c) Noting dena drafts yanglutsü. (d) Aibelen aliba tem tutettsütsü. (e) Tatalokba shidak alibatem shidak jembi asü masü reprangtsü. (f) Subject nung inyakyim mesüra Rules and Regulations nung nungdakba tutettsütsü. (g) Nungdak süra files tem agütsütsü aser danga nungdakba facts and figures agütsütsü. (h) Tasüngdangba tem jangja-jangja sayutettsü aser akokba nung tapet mera agitsü shisa agütsütsü. (i) Sector/Section indang ita shi aser quarterly statement renemtsü. (j) Assistant melira JSA nem nungloktsüba mapa dak sendakba nung JSA den yariteptsü. (k) Mapang shia pa/la attached/Deputy Secretary/Director (Admn.) ketdangsüri mapa nungloktsübatem inyaksü

Deputation indang pay aser danga terms and conditions ya DoPT's O.M. No. 6/8/2009-Estt. (Pay-II) dated 17.06.2010 and No. 2/11/2017-Estt. (Pay-II) dtd. 24.11.2017 aser mapang shia yangluba nung ajemdaker yanglua amshitsü. Cadre authorities/Head of Departments tem dang temsüa aliba applications aser inyaksü jangra aliba candidates indang application tekeraba nung yoktsü ayongzüker, aji asünung dang Employment News nung iba advertisement adoktsür **anogo 60 tsüngta Director (Admin)** tongtettsü. Curriculum Vitae (Annexure-I) aser danga details atema candidates tem dang NEC website <https://necouncil.gov.in> nungi kasaji download asütsü ajungshir.

APPLICATION FORWARD ASÜDANG OFFICE/DEPARTMENT AJANGA APPLICATION/CERTIFICATES DEN AGÜTSÜTSÜTEM
1. Annexure I format nung aliba application terenem nung applicant ajanga meyongnem agütsütsü aser Cadre/Appointing authority ajanga countersign asütsüla.
2. Tesüiba küm pongu (5) indang ACRS/APARS page shia Under Secretary to the Govt. of India dang tekübokba masü mesüra sako officer ajanga seal den attested asütsüla.
3. Integrity Certificate.
4. Vigilance Clearance.
5. Cadre Clearance Certificate.
6. Service indang tesüiba küm 10 atema temerenshi tulu mesüra tila indang certificate.
7. Applicant ajanga agütsüba particulars ya kangjaogo aser service records nung aliba ama shidak lir ta certificate ka.

Temetettsü: Iba post atema apply asüba candidate tem nem tesülen parnok candidature meyipa magütsütsü.
CBC : 11104/11/0007/2526

निदेशक (प्रशासन) / Director (Admn.)

PELABA LEMSATEPER



20-10-2025

Ni aser ozü kinungertem temeim kinungbo asür **Pangerwati** (Ungma), iba lima nungi pilar or mangyim tejashi agi sünger taku marok ajemba mapang ana aser talang nung aliba nüburtem shirnokisa onok den tensa ajak nung lemsatepogo, nenok ajak dang temulung taroktiba agi pelaba lemsateper.
Onoki nenok kija shia dangi tsüngtong arua pelaba melemsateptetaka Tulusang Tsüngremi nenok taküm aser kibongtem maneni moajangma.

Temeim kinungsü aser kinungertem

Canada den shishilempaba ken o jembiba tembangogo: Trump

White House, Mongputeni/ Oct. 24 (Agencies):

Canada jembiba nungi agizükba indang lir.

dang tariffs meshiba nung timtem ajurutsüsa advertisement ka adoktsüba mechi US Tir Donald Trump-i iba linük den shishilempaba ken o jembishinüba tembanger ta sangdongogo.

Iba advert ya Canada nung Ontario province indang sorkari sponsor asü, kong Trump jakdang inyaka alisang Ronald Reagan-i tariff ajanga America nunger ajunga yirutsür ta shia liasü.

Trump-i social media nung iba advert ya "FAKE" aser tesüngmangtsü majung ta ashi aser shishilempaba ken o jembishinüba tembanger ta shia liasü.

Par administration ajanga Canadian imports aika nung tax shilem 35 meshir aser ano gari aser steel manufacturing amala industry nunga tariffs balala meshir. Item tariffs yagi Ontario nung tesashiba kongshi.

Trump-i mezüng kümsük mapang Mexico aser Canada den yanglutepbpa free trade agreement küboki aitba oset nungbo tariff memeshir.

Ajisüaka Canada Ato Kilonser Mark Carney taküm küm tetenzüklen election nung takok anguba sülen US tariffs ajemtsü asoshi tezüngzüktep yanglutsü meranger.

Iba ya Ontario Premier Doug Ford-i benjadaktsür, shibai Canada nunger products aliba US firms dang taxes meshiba aitsür.

Taoba hopta minute ka talang advert adoktsüba nung Reagan indang ola agi jembiba angashir, kong New York Stock Exchange aser cranes nung US aser Canada wako aliba noksa tem sayu.

Iba video ya Reagan-i foreign trade nung rangloker 1987 küm national radio nung

jembiba nungi agizükba indang lir.

"Kodang nisung kari, 'bendang lima nungi bener aruba oset nung tariffs meshiti' ta shidir, ibai linük meimba mapa inyaka American products aser mapa wazüka ayur ama repranger. Aser mapang ka-ka khen asoshi aji junger, saka mapang tatsüka atema dang lir," ta Reagan-i iba advert nung ashi.

"Mapang talangka atemabo iba ama shishilempaba nung tenokdangba yagi America nunger ajak, mapa inyaker aser consumer tem yirutsür."

"Tariffs tali meshiba ajanga bendanger linük temi telangzüba agütsür aser trade wars tesashi tenzükdaktsür... Markets akonger aser laor, business aser industries shibanger aser nisung million aika mapa samar."

Ronald Reagan Foundation ajanga Brehostibarnü sangdong ka agütsüba nung iba advert nungya taoba tiri jembiba indang audio aser video teshimtet kar amshi ta ashi.

Iba advert nungya taoba tiri jembiba meshidak agizüka amshi ta ashi aser Ontario sorkari aji amshitsü atema temelaba memeshi ta ashi.

Trump-i iba sangdong ya athishia video ya US Supreme Court ajanga November ita Washington-i linük aika dang tariff meshiba ya temeden ali-asü masü ta telemtetba agitsü aliba nung teka amoshitsü asoshi yangluba lir ta ashi.

Court indang telemtetba ya Trump indang tir tashi aser economic policy asoshi tetendangba tulutiba alitsü, koba ajanga US-i tariffs nung sen billion aika bendena aliba meyiptsütsü akok.

Minute ka talang advert ya Reagan-i minute pongu jembiba nungi agizükba lir.

(Maneni tapak 8 nung...)

STATE OSANG :

Tapak 2 nungi...

NSCtCB pur 56 buba lokti senden...

Yimdaklirtem nem tashi agütsütsü, entrepreneurship ajungkettsü aser Nagaland tesem ajunga nung nübur ajak densema rongsenketzung aintsü atema cooperative movement yagi tongtipang shilem agir, ta pai ashi.

International Year of Cooperatives 2025 omen nung kongshia jembidang, Nagaland nung aliba yimtsüng ajak nung cooperative society ka-ka bosa lidaktsütsü sorkar mangdang lir, ta ashi.

Cooperative institutions temi senotsü kisüng indaktsütsü memerangtsüla saka ochishia inyaktsü yimya amshitsüla, ta pai ashi.

Züngsem indang businesses aindang bank-a ainer, ta Loha-i ashi aser züngsemtem dang documents updated ayutsü, mapang shidak nung loan agia aliba menoktsü aser senden alidang shilem agia cooperative tesendaktep akangshitsü asoshi shisatsü tajung lemsateptsü ayongzüka liasü.

Pai bank dang aluyimer, tetsür entrepreneurs aser business tila kiburtem nüngdakba peritsütsüsa financial products yanglua

amshitsü ayongzüka liasü.

Paisa cooperative societies, financial institutions aser sorkar indang department tem külemi cooperative movement tashi itshitsü atema inyaktsü aser Nagaland nung yimtsüng ainba nung tamendak dak ama maneni tenzüksüsa alitsü ayongzüka liasü.

Registrar of Cooperation, Nagaland, Kohima, Bokato Hesso-ia iba senden nung jembidang bank tejakleni aoba atema tenüngsang agütsü aser cooperative society tem dang ochishia inyaktsü ayongzüka liasü.

P. Bulte, General Manager (OIC), NABARD, Regional Office Nagaland ajanga NSCtCB takok asoshi tenüngsang agütsü aser maneni yimdaklirtem ajangzüksüsa financial services agütsütsü ayongzüka liasü.

AGM nung shilem ka ama best-performing Cooperative Societies, Self-Help Groups (SHGs), Joint Liability Groups (JLGs), aser Bank Branches nem sempet agüja liasü.

Best Performing Cooperative Societies sempet ya ME-YONG-PEN MPCs, Longpa Village, Mokokchung; ELI MPCs, Diphupar Village, Chümoukedima

aser BSF AAFCs, Pukha Toku, Zunheboto Town nem agüja liasü.

Best Performing SHG Award sempet ya NGVU LOGWASHG, Zi-sunyü Village, Tseminyu, aser PE-KUTSU SHG, Pukhahto Village, Niuland nem agütsü.

Best Performing JLG Award mezüngbuba jenjang KIP-FU-ZHA JLG, Krotho Village, Kigwema, Kohima nem agütsü, tanabuba jenjang SUNG-TI-BEN JLG, Signal Angami, Dimapur nem agütsü.

Best Performing Branch Award ya Category A nung NSA Brach, Category B nung Mon Branch aser Category C nung Chozuba Branch nem agüja liasü.

Managing Director, Abhijit Kumar Deb, shiba Indian Startup Times ajanga 50 Most Influential Leaders in Cooperative Banks nung ka lir ta züngshir, pa nema tetushi agüja liasü.

Senden tembanga Chairman H. Kashito Yephthomi-i jembidang Board, management aser shareholders dang pelaba lemsatep aser Abhijit Kumar Deb, Managing Director ajanga melepzüng o jembia sentong tembang.

Wokha nung Banana Festival 2025...

Iba MoU ya ajanga advanced agricultural technologies amshia scientific farming yimya amshitsü, külemi research agitsü aser training, resources aser sustainable models nung külemi teka amteper inyaktsü.

Anogo asem benjongmung nungya Banana Salad Making Competition, Banana Eating Contest, Quiz on Banana Cultivation and Nutrition, Banana Fancy Dress and Costume Competition ayongzüka agi.

Exhibition stalls 100 dak tema

lapoka somomo tabu balala sayua liasü aser banana fiber extraction units ama hadir balala sayu.

Iba benjong nungya Best Stall, Best Value Addition, aser danga categories nung senpet, kulizüng kaket aser agricultural machinery tem agüja liasü.

22 buba ANCSU mundang St. Xavier...

Mungdang nung sessions trok alitsü, kong K.G Kenye, Minister, Power & Parliamentary Affairs (GoN); T.R Zeliang, Deputy Chief Minister, Planning & Transformation, National Highway (GoN); Temjen Imna Along, Minister, Tourism & Higher Education (GoN); Aotula T. Imchen, IPS, Commissioner of Police Dimapur (GoN); Hiazu Meru, NCS, Deputy Commissioner Peren, aser Vilhousielie Kenguruse, Former President ANCSU nungertem Introductory Guest, Inaugural Guest, Seminar Guest, Theme Speaker, Tree Plantation Guest

aser Valedictory Guest ama arua college azüngertem den jembitsü. Maneni Senchumo (NSN) Loha, Chairman ILRC; Boto Sema, Drugs Control Officer, Health & Family Welfare; Abou Mere, Director (KRIPA Foundation); Pauheugau Rangkau, District ICTC Supervisor, DISHA Peren, IDAN representative nungertem iba mungdang nung shisalen sayur asütsü.

Mteisung Heraang, President, Naga Students' Federation (NSF) aser Adaube Hiekha Hau, President, Zeliangrong Students' Union Nagaland (ZSUN) nungeri salem o ashitsü.

October 29, 2025 nü Miss ANCSU 2025 ayongzüksü, kong Veineinem Singson Haolai, (Finance Secy. BASN, Miss Nagaland 2014, Miss North East Jewel Queen 2016), Nikali K Shohe (Miss Nagaland 1st Runner Up 2024, Miss Sumi 2024) aser Linokali Achumi (Miss Earth Nagaland 2023) nungeri tendangtsü.

Mungdang mapang 2025-2027 kümsük atema ANCSU General Elections agitsü aser ken o balala süoka jembia kümsük tasenpuri inyaktsü asoshi pangzüng yanglutsü atema kasa tesem nung Union Assembly alitsü.



Best Spiker - Bendangtemsu (Evergreen Club), Best Setter - Limatenzük (Evergreen Club), aser Player of the Tournament - Imlichuba (MH-10) parnoki agizük. Sangküm 19 buba iba asayamung ya 3-6 November, 2026 asayatsü lemtetogo, ta tayonger Mokokchung District Volleyball Association-i sangdongogo.

Evergreen Club, Ungma-i 18 buba Imchaba Master Memorial Nagaland Open Volleyball asayamung koker senpet agizük dang tangokba noksa nung angur. Final match yangi Multi-purpose Indoor Stadium, Mokokchung nung asayaba, Evergreen Club-i yaküm champion MH-10 madak deciding nung 25/20, 25/22, 16/25, 21/25, 15/17 agi takok tulu ngua liasü. Asembuba jenjang United Changki aser pezübuba nung Spadroon Club, Chungtia liasü. Nija senpet

9th Capt. Kenguruse Memorial Football Tournament osang



Kohima, Mongputeni/Oct. 24 (TYO): 45 Assam Rifles ajanga Indira Gandhi Stadium, Kohima nung ayongzükbaba 9th Captain Kenguruse, MVC Football Tournament Dimapur Sporting Club aser Langsha Hill FC nati pei asaya nung takok ngua liasü. Mezüng asaya nung Dimapur Sporting Club ajanga Nagaland Police FC madak 2-1 agi akok.

Asaya tenzüker minute 13 buba nung Dimapur Sporting Club nungi Rhitsho Mero-i mezüng goal agütsü. Iba sülen minute 70 buba nung Nagaland Police FC nungi Limakumzuk-i goal ka agüja teimla tulu liasü. Ajisüaka asaya tatemlen Gaichui-i Dimapur Sporting Club asoshi tanabuba goal agüja takok angu.

Tanabuba asaya nung Langsha Hill FC yagi Wokha Ex-

Servicement madak 6-0 agi koka liasü.

Asaya tenzükdang nungi Langsa Hill FC-i amokbanger asayateta Vinato-i minute 23 buba nung penalty spot nungi mezüngbuba goal agütsü. Minute 31 buba nung Pangersonep-i tanabuba goal agütsü aser half-time matongdang Eshong-ia goal ka agükja 3-0 liasü.

Minute 49 buba nung Ghuqhe-i Langsa Hill FC asoshi goal pezü buba agütsü aser Alei-i minute 62 buba aser 80+2 buba nung goal ka-ka agüja liasü.

Honibar aser Deobarnü asaya malitsü.

October 27 nü asayatsüpur:

1. Shamatorian FC (Shamator) vs PDFA Junior FC (Peren) @ 10am
2. Demokles FC (Chümoukedima) vs Phek Town FC (Phek) @12:00 pm

BENDANGLI OSANG : Tapak 7 nungi...

Canada den shishilempaba...

Iba advert ya US nung aliba mainstream TV channels nung \$75m Canadian dollars (£40m; \$54m) jenjang campaign nung shilem ka lir.

Ford ajanga advert nungya, "Canada nung American tariff meshiba anema onok ajem-ajema malitsü" ta züklua liasü.

Washington nung aliba China indang embassy-ia Trump-i alima ajunga dang tariff meshiba atema küm tetenzüklen X nung iba mesük Reagan clip ka amshia liasü.

Ontario ya Canada nung nisung timtiba aliba aser regional economy tulutiba aliba province ka lir, aser US tariffs ajanga iba province nung tesashiba kongshi.

Taoba mapang Trump-i Canada anema tariff meshitsü amokmerenba nung Ford-i

telangzüba agüja US nem power supply agüja aliba anentsü mulunga lir ta ashi.

Canada anema Washington indang trade policies ya amokmeren ka ama lir ta pai shia liasü.

Trump-i Canada nunger osettsüset sector telemsa nung tax meshiba nungya yinsang nung shilem 50 aser automobiles nung shilem 25 lir.

Carney aser Ford nati tang tashi Trump indang sangdong nung telangzüba kecha agüja mali.

Trump-i Canada den shishilempaba indang jembishinü anener ta tan agi tanaben sangdongba alitsü. Küm tetenzüklen Ottawa-i US technology firms nung digital services tax meshitsü sangdonga liasü.

BILEMDANGANG

"Mapa junga inyakba asoshi tajangzüki tali inyaktsü maangka ya lir."